

2022

Tuarascáil Bhliantúil



Fís

Muinín agus iontaoibh an phobail as iniúchóireacht agus cuntasaíocht ar ardchaighdeán



Misean

Tuairisciú corparáideach ar ardchaighdeán agus gairm chuntasach a chothú

Ár gCuid Luachanna



Sármhaitheas

Ár míle dícheall a dhéanamh



Neamhspleáchas


Rialáil a dhéanamh ar bhealach neamhchlaonta, oibiachtúil



Ionracas

A bheith iontaofa agus ómósach

Snáitheanna agus Straitéisí





GLACANN ÚMICÉ
CAIGHDEÁIN MAIDIR LE
HINIÚCHÓIREACHT, LE
HEITIC GHAIRMIÚIL AGUS
LE RIALÚ CÁILÍOCHTA
INMHEÁNACH LE
HAGHAIDH INIÚCHÓIRÍ
REACHTÚLA



**6 CHOMHLACHT
CUNTASAÍOCHTA
FHORORDAITHE** (CCF) Á
MAOIRSIÚ, AR COMHLACHTAÍ
CUNTASAÍOCHTA AITHEANTA
(CCAnna) IAD **3 CINN**
ACU FREISIN



43,321

COMHALTA DE CCFanna
SA GHNÓ AGUS SA
CHLEACHTAS



**7 NGNÓLACHT
INIÚCHÓIREACHTA** AR
EINTITIS LEASA PHOIBLÍ
(ELP), A DHÉANANN
INIÚCHÓIREACHT AR
THART AR 544 ELP

EOLAS FÚINN



1,059

GNÓLACHT
INIÚCHÓIREACHTA
REACHTÚIL
IN ÉIRINN



97 EISITHEOIR AITHEANTA
FAOIN LUCHT SCRÚDAITHE
UM THUAIRISCIÚ AIRGEADAIS,
LENA GCUIMSÍTEAR **23**
EISITHEOIR COTHROMAIS,
10 N-EISITHEOIR CISTÍ
IATA AGUS 64 EISITHEOIR
FIACHAIS

BUAICPHOINTÍ NA BLIANA 2022

Forbraíodh fíis agus misean nua ÚMICÉ

Cuireadh clár oibre 2023–2025 i gcrích

Tugadh cuairteanna maoirseachta ar thrí CCA

Rinneadh athbhreithniú téamach ar dhea-cháil le haghaidh iniúcháirí reachtúla agus gnólachtaí iniúchóireachta reachtúla

Rinneadh scrúdú ar 35 tuairisc airgeadais

D'fhoilsigh eisitheoirí trí fhógra cheartaitheacha i ndiaidh scrúduithe ÚMICÉ

Rinneadh cigireacht ar sheacht ngnólacht iniúchóireachta agus 35 comhad iniúchóireachta

Seoladh nuachtlitir nua faoi chaighdeán ina dtugtar an nuacht is deireanaí faoi thionscadail iniúchóireachta agus dearbhaithe caighdeán ÚMICÉ agus léiríodh físeáin ghearra eolais/míniúcháin

Comhaontaíodh socraíocht forfheidhmithe amháin

Athdhearadh agus seoladh suíomh gréasáin ÚMICÉ



CAIGHDEÁIN AGUS BEARTAS

Caibidil 2: Caighdeáin agus Beartas



1. Príomhfheidhmeanna

Is iad príomhfheidhmeanna an Aonaid Caighdeán agus Beartais:

- caighdeáin iniúcháireachta, eiticíúla, agus rialaithe cáilíochta a ghlacadh maidir le hiniúcháireacht reachtúil in Éirinn
- cibé treoir agus caighdeáin dearbhaithe a eisiúint a mheasann ÚMICÉ is cuí
- rannchuidiú le forbairt bheartas ÚMICÉ ar ábhair rialála agus eile

2. Forbairtí suntasacha

I ndiaidh comhairliúchán agus rannpháirtíocht phoiblí le rialálaithe eile in Éirinn, ghlac ÚMICÉ sé Chaighdeán maidir le Tuairisciú Infheistíochta (SIR) (Éire) i rith na bliana. Tá na caighdeáin i bhfeidhm le haghaidh tuairisciú ar rannpháirtíochtaí cuntasóra a thosaíonn ar nó tar éis an 15 Meán Fómhair 2022.

Thug ÚMICÉ 21 CII (Éire) cothrom le dáta freisin chun leasuithe comhréireacha a léiriú de bharr CII (Éire) 315 (nuashonraithe 2020), Na Rioscaí a bhaineann le Míríteas Ábhartha a Aithint agus a Mheasúnú.

Leagtar amach in Aguisín V liosta iomlán de na caighdeáin leasaithe.

Anuas air sin, rinne ÚMICÉ comhairliúchán ar a thogra chun CII (Éire) 600: Iniúchtaí Cúinsí Speisialta ar Ráitis Airgeadais an Ghrúpa (lena n-áirítear Obair Iniúcháirí Comhpháirte) a leasú agus chun leasuithe comhréireachta gaolmhara a dhéanamh ar chaighdeáin eile. Bhí ÚMICÉ i mbun machnamh ar na freagraí a fuarthas ar an gcomhairliúchán ag deireadh na bliana.

Mar chomhlánú ar pháipéir chomhairliúcháin agus aiseolais a bhaineann le caighdeáin iniúcháireachta agus dearbhaithe a eisíodh i rith na bliana, léirigh ÚMICÉ físeáin faisnéise ghearra. Is é is cuspóir leo forléargas a thabhairt d'úsáideoirí ar na topaicí a chlúdaítear agus iad a spreagadh chun dul i ngleic níos mó leo leo tré rochtain a fháil ar na doiciméid iomlána ar shuíomh gréasáin ÚMICÉ.

I rith 2022, lean ÚMICÉ ar aghaidh ag dul i gcomhairle go gníomhach le piaraí, geallsealbhoirí agus socraitheoirí caighdeán. Áirítear ar ghníomhaíochtaí den sórt sin breathnóireacht a dhéanamh ag cruinnithe Ghrúpa Comhairleach Teicniúil FRC, páirt a ghlacadh i bhFoghrúpa CCEFI um Chaighdeáin Iniúcháireachta Idirnáisiúnta, rannchuidiú le freagairt CCEFI ar chomhairliúcháin a d'eisigh IAASB agus IESBA, agus a litreacha tráchta féin a eisiúint nuair is iomchuí.

Rannpháirtíocht le Páirtithe Leasmhara

I gcaitheamh na bliana, d'úsáid ÚMICÉ modhanna éagsúla ina rannpháirtíocht le páirtithe leasmhara agus chun aird a tharraingt ar fhorbairtí ábhartha don chreat iniúcháireachta in Éirinn, ina measc nuachtlitreacha agus físeáin, le tacaíocht ó phostálacha ar ár suíomh gréasáin agus ár gcainéil meán sóisialta.

Ceaptar nuachtlitreacha ÚMICÉ faoi chaighdeáin chun nuacht agus faisnéis a thabhairt faoi thionscadail caighdeán iniúcháireachta agus dearbhaithe in Éirinn i gcáipéis sholáite. Áirítear leis na topaicí a pléadh caighdeáin a ghlacadh le deireanaí, comhairliúcháin oscailte, caighdeáin iniúcháireachta atá le dul i bhfeidhm go luath agus forbairtí idirnáisiúnta.

Sheol ÚMICÉ sraith físeáin míniúcháin agus bileoga fíricí freisin faoi athruithe suntasacha ar an gcreat iniúcháireachta in Éirinn, a raibh d'aidhm leo eolas agus cúnamh a thabhairt d'iniúcháirí chun impleachtaí na n-athruithe sin a thuiscint. Áiríodh leis sin sraith de chúig físeáin míniúcháin maidir leis an tsraith nua de caighdeáin bainistíochta cáilíochta atá i bhfeidhm ón 15 Nollaig 2022.

3. Aird ar an inbhuanaitheacht

Ghlac comhairle agus parlaimint an Aontais Eorpaigh an Treoir maidir le Tuairisciú Inbhuanaitheachta Corparáideach (CSRD) ag deireadh 2022. Ó 2025, éileofar ar chuideachtaí atá faoi shainchúram CSRD dearbhú a fháil ar a bhfaisnéis inbhuanaitheachta. In Éirinn, is dócha go dtabharfaidh iniúcháir na cuideachta an dearbhú sin.

Murab ionann agus an creat iniúcháireachta, atá seanbhunaithe agus a aithnítear go hidirnáisiúnta, níl aon caighdeáin a ghlactar go hidirnáisiúnta ann faoi láthair le haghaidh dearbhú eolais inbhuanaitheachta.

Trína rannpháirtíocht CCEFI i rith na bliana, ghlac ÚMICÉ páirt i bpléití le páirtithe leasmhara eile, ina measc na boird a leagann síos caighdeáin idirnáisiúnta maidir lena dtograí chun caighdeáin dearbhaithe inbhuanaitheachta agus ceanglais eiticíúla ghaolmhara a fhorbairt. Leanfaidh ÚMICÉ ag plé lena chomhghleacaithe Eorpacha chun aghaidh a thabhairt ar an geist sin.

4. Straitéisí agus torthaí a eascraíonn as an bplean gnó

Straitéisí an phlean gnó	Torthaí
Forbairt CIlInna (Éire) agus treoracha gaolmhara Tacú le hardchaighdeáin maidir le ELPanna a iniúchadh Scaipeadh an dea-chleachtais	→ Eisíodh sé Chaighdeán maidir le Tuairisciú Infheistíochta (Éire) → Óstáladh dhá chruinniú de chuid an Phainéil Chomhairligh Theicniúil → Dearadh agus cruthaíodh rannóg caighdeán an tsuímh gréasáin nua dírithe ar na húsáideoirí
Éisteacht a fháil Nuálaíocht	→ Eisíodh dhá nuachtlitir faoi chaighdeáin → Eisíodh físeáin míniúcháin agus bileoga fíricí chun aird a tharraingt ar athruithe suntasacha ar chreat iniúcháireachta na hÉireann → Eisíodh comhairliúchán a bhain le hathbhreithnithe ar an gcreat iniúcháireachta i rith na bliana agus comhairliúchán a bhain le glacadh SIRanna (Éire). → Rannchuidíodh le forbairt fhreagraí CCEFI ar chomhairliúcháin i leith iniúcháireachta a d'eisigh IAASB agus IESBA → Cuireadh isteach freagra amháin ó ÚMICÉ ar chomhairliúchán de chuid IAASB agus dhá fhreagra uaidh ar chomhairliúchán de chuid IESBA → Cuireadh isteach freagra ar chomhairliúchán AE amháin agus ar chomhairliúchán RFTF amháin



MAOIRSEACHT
AR GHAIM NA
hINIÚCHÓIREACHTA
AGUS NA
CUNTASAÍOCHTA

Caibidil 3: Maoirseacht ar Ghairm na hIniúcháireachta agus na Cuntasaíochta



1. Príomhfheidhmeanna

Is iad príomhfheidhmeanna an Aonaid Maoirseachta Rialála agus Faireachán:

- ➔ maoirsiú a dhéanamh ar an mbealach a rialaíonn na CCFanna a gcuid comhaltaí, lena n-áirítear feidhmiú a bpróiseas imscrúdaithe agus araíonachta
- ➔ maoirsiú a dhéanamh ar an gcaoi a ndéanann na CCAnna na feidhmeanna seo a leanas a chomhlíonadh maidir leis na hiniúcháirí reachtúla agus na gnólachtaí iniúcháireachta atá formheasta agus cláraithe acu faoin Acht:
 - formheas agus clárú
 - oideachas leanúnach
 - córais dearbhairthe cáilíochta agus
 - córais araíonachta imscrúdaithe agus riaracháin
- ➔ comhoibriú lena gcomheagraíochtaí san Aontas Eorpach agus i dtíortha eile agus le húdaráis eile sa tír seo agus san Aontas Eorpach
- ➔ comhairle a chur ar an Aire maidir le hábhair a bhaineann le gairm na cuntasaíochta

Leagtar amach in Aguisín III CCFanna faoi shainchúram ÚMICÉ amhail an 31 Nollaig 2022 agus tuarascálacha arna n-eisiúint chuig CCFanna le linn 2022

2. Forbairtí suntasacha

In 2022, thug ÚMICÉ faoi thrí chuairt maoirseachta, a bhain le ceadúnú iniúcháirí reachtúla agus comhlachtaí iniúcháireachta reachtúla, agus chuir sé athbhreithniú deisce i gcrích inar measúnaíodh mapáil cheanglais Acht na gCuideachtaí, 2014 maidir le hoideachas iniúcháirí ar shiollabais CCAnna.

Chuir an tÚdarás dhá athbhreithniú théamacha i gcrích freisin. Dhírigh an chéad athbhreithniú téamach, '[Good reputation for statutory auditors and audit firms](#)', ar nósanna imeachta CCAnna chun measúnú a dhéanamh ar an bhfuil dea-cháil ar iniúcháirí agus gnólachtaí iniúcháireachta reachtúla. Dhírigh an dara hathbhreithniú téamach ar na céimeanna tosaigh sa phróiseas chun dul i ngleic le gearáin i measc CCFanna.

D'eisigh an tÚdarás freisin '[Guidelines for Recognised Accountancy Bodies when performing the Quality Assurance function in respect of Statutory Auditors and Audit Firms](#)' le dáta dul i bhfeidhm an 1 Eanáir 2023. Is iad na príomhphrionsabail a leagtar amach sna treoirínte dearbhairthe cáilíochta: measúnú neamhspleách a thabhairt ar an ndéantar iniúcháireachtaí reachtúla de réir cheanglais an Chaighdeáin Eiticiúil d'Iniúcháirí (Éire) agus na gCaighdeán Idirnáisiúnta Iniúcháireachta (Éire), ag cinntiú i gcás na n-iniúcháirí agus na ngnólachtaí iniúcháireachta nach gcomhlíonann a bhfeidhmíocht an caighdeán a éilítear go gcuirtear faoi réir bearta tráthúla, comhréireacha agus éifeachtacha iad agus go gcuirtear le muinín an phobail as an ngairm iniúcháireachta

agus a rialáil. Anuas ar na treoirínte dearbhairthe cáilíochta, d'eisigh an tÚdarás leasuithe nuashonraithe ar '[Guidelines on the matters to be considered by the RABs when granting exemptions from one of more of the subjects in the test of theoretical knowledge for approval as a statutory auditor](#)'. Ina theannta sin, i gcaitheamh 2022, bhí an tÚdarás ag obair i gcomhar le CCAnna i dtaobh chur i bhfeidhm '[Guidelines for the RABs on the regulation, monitoring and enforcement of continuing education for statutory auditors](#)' a tháinig i bhfeidhm ar an 1 Eanáir 2022.

Dhea-cháil le haghaidh iniúcháirí agus gnólachtaí iniúcháireachta reachtúla

In 2022, chuir an tÚdarás athbhreithniú téamach i gcrích ar an gcaoi a sainíonn agus a dtugann CCAnna fianaise ar dhea-cháil i dtaobh iniúcháirí agus gnólachtaí iniúcháireachta reachtúla, chomh maith le tuiscint ar an mbeart a dhéanann CCAnna nuair a chuirtear isteach ar dhea-cháil. Foilsíodh an tuarascáil ar shuíomh gréasáin ÚMICÉ agus luadh inti go bhfuil roinnt cosúlachtaí i gcuid de na nósanna imeachta a d'úsáid CCAnna cé gur tugadh difríochtaí faoi deara freisin.

Thug an tÚdarás faoi shuirbhé ar Bhallstáit an Aontais Eorpaigh i gcomhthráth. Léirigh na freagraí ó 20 dlínse go leor difríochtaí sna cuir chuige a glacadh sna dlínsí difriúla. Níor foilsíodh an tuarascáil sin, ach cuireadh i láthair chuinníú iomlánach CCEFI í i mí Iúil 2022.

3. Aird ar an inbhuanaitheacht

Bhí an tÚdarás ag obair le gach CCF i gcaitheamh na bliana, ag plé dréachtaí de reachtaíocht CSRD agus ag díriú ar na tionchair fhéideartha le haghaidh CCFanna. Reachtáladh pléití go háirithe maidir leis na ceanglais a bhaineann le hoideachas agus faomhadh iniúcháirí inbhuanaitheachta, chomh maith le faireachán ar iniúcháirí inbhuanaitheachta nuair a fhaomhtar iad. Is féidir iniúcháirí reachtúla atá i bhfeidhm an 1 Eanáir 2024 a fhaomhadh mar iniúcháirí inbhuanaitheachta ar an gcoinníoll go bhfaigheann siad eolas ar na caighdeáin tuairiscithe inbhuanaitheachta trí oideachas leanúnach. Oibreoidh an tÚdarás le CCAnna, RFTF agus na fóraim Eorpacha éagsúla chun machnamh a dhéanamh ar shonraí sonracha an dearaidh agus an chreidiúnaithe don oideachas leanúnach sin, a bheidh an-dúshlánach toisc go bhfuil na caighdeáin tuairiscithe inbhuanaitheachta le cur i gcrích i mí an Mheithimh 2023, nach dtugann ach tréimhse ghairid sé mhí do CCAnna chun é a dhearadh, a sholáthar agus a mheasúnú faoin 1 Eanáir 2024.

4. Straitéisí agus torthaí a eascraíonn as an bplean gnó

Straitéisí an phlean gnó	Torthaí
Formhaoirseacht ar ghairm na cuntasaíochta	→ Tugadh trí chuairt maoirseachta ar CCAnna → Cuireadh athbhreithniú deisce i gcrích ar an ngné Oideachais de Sceideal 19 d'Acht na gCuideachtaí → Rinneadh breithniú agus moladh i dtaobh 15 bhaisc doiciméad bunreachtúil a fhorghnó → Rinneadh breithniú agus faomhadh ar 12 athnuachan ó Iniúcháirí Tríú Tír (ITT), 1 iarratas nua ITT agus 41 nuashonrú ar fhaomhadh ITT → Freastalaíodh ar thrí chruinniú coiste d'fhoghrúpa CCEFI
Tacú le comhlachtaí cuntasaíochta maidir lena bhfreagrachtaí rialála a chomhlíonadh	→ Reáchtáladh cruinniú comhcheime bliantúil lena n-áirítear cuir i láthair ó na haonaid ábhartha in ÚMICÉ agus cur i láthair ó dhá CCF
Scaipeadh an dea-chleachtais	→ Eisíodh 'Próifíl na Gairme' ina soláthraítear sonraí staitistiúla ar ghairm na cuntasaíochta agus na hiniúcháir → Foilsíodh tuarascáil ar céard is dea-cháil ann dar le CCAnna → Cuireadh tuarascáil i láthair CCEFI ar céard is dea-cháil ann dar le 20 ballstát → Rinneadh athbhreithniú téamach ar na céimeanna tosaigh chun dul i ngleic le gearáin i measc CCFanna → Eisíodh treoirlínte rialála maidir le feidhmíocht CCAnna i gcás na feidhme dearbhaithe cáilíochta → Eisíodh treoirlínte nuashonraithe maidir le hábhair atá le breithniú nuair atá díolúintí ó cheanglais ábhar i Sceideal 19 á dtabhairt
Éisteacht a fháil	→ Chuathas i gcomhairle le geallsealbhóirí ábhartha lena n-áirítear an Roinn, an Oifig um Chlárú Cuideachtaí agus FRC maidir le cúrsaí maoirseachta → Rinneadh cur i láthair ag lá oiliúna Choiste Rialála CCFanna, inar tugadh forléargas ar fheidhmeanna ÚMICÉ, an creat Maoirseachta Rialála agus Faireachán, treoirlínte ÚMICÉ agus forbairtí amach anseo, CSRD ina measc → Rinneadh cur i láthair ag imeacht ballraíochta de chuid CCF
Ár bpróisis a fhorbairt/a fheabhsú	→ Rinneadh tuilleadh mionchoigeartuithe ar an gcur chuige maoirseachta maidir le formhaoirseacht agus maoirseacht a dhéanamh ar CCFanna



MAOIRSEACHT AR CHÁILÍOCHT AN TUAIRISCITHE AIRGEADAIS



Caibidil 4: Maoirseacht ar Cháilíocht an Tuairiscithe Airgeadais

1. Príomhfheidhmeanna

Is iad príomhfheidhmeanna an Aonaid Maoirseachta um Thuairisciú Airgeadais:

- scrúdú a dhéanamh ar na tuarascálacha airgeadais bliantúla agus leathbhliantúla de chuid eintitis liostaithe áirithe agus gníomhartha forfheidhmiúcháin a dhéanamh nuair a bhraitear cásanna neamh-chomhlíontachta
- comhoibriú le forfheidhmitheoirí cuntasaíochta de chuid an Aontais Eorpaigh
- comhoibriú chun caighdeán um thuairisciú airgeadais a fhorbairt
- comhairle a chur ar an Aire faoi ábhair chuntasaíochta
- Leagtar amach in Aguisín VII na heisitheoirí ar fad atá laistigh de shainchúram forfheidhmithe cuntasaíochta ÚMICÉ.

2. Forbairtí suntasacha

In 2022, rinne an tÚdarás scrúdú ar 35 tuarascáil airgeadais, arbh éard a bhí iontu 32 tuarascáil airgeadais bhliantúil agus trí tuarascáil airgeadais leathbhliantúla (féach Aguisín II). Sholáthair 15 eisitheoir 49 gealltanais don Údarás chun an tuairisciú a fheabhsú i dtréimhsí sa todhchaí. An réimse ba mhinice inar soláthraíodh gealltanais, bhain sé le tomhais feidhmíochta mhalartacha. Áiríodh le réimsí eile inar tháinig gealltanais chun cinn riosca athraithe aeráide, agus IAS 1 Cur i Láthair Ráiteas Airgeadais.

D'fhoilsigh trí eisitheoir fógraí ceartaitheacha poiblí a d'eascair as scrúdú ÚMICÉ ar a dtuarascálacha airgeadais.

Anuas air sin, d'fhoilsigh an tÚdarás roinnt páipéar in 2022:

- *Climate-related disclosures in financial reports – IAASA information requests*
- *Observations on selected financial reporting issues – years ending on or after 31 December 2022*
- *Snapshot of IAASA's financial reporting enforcement activities in 2021*
- Foilseachán coimre: *Financial reporting decisions*
- Páipéar Beartais: *Publication of information regarding IAASA's financial reporting supervision activities*

Lean an tÚdarás ar aghaidh leis na pléití iomadúla, tríd an Údarás Eorpach um Urrúis agus Margaí (ESMA), lena chomheagraíochtaí Eorpacha, agus ghlac sé páirt i roinnt tascfhórsaí agus foghrúpaí atá bainteach le forfheidhmiú i réimse na cuntasaíochta. In 2022, dhírigh na grúpaí sin ar fhorbairtí domhanda agus Eorpacha sa tuairisciú corparáideach, ina measc an Fhormáid Leictreonach Aonair Eorpach (ESEF), tuairisciú neamhairgeadais, agus inbhuanaitheacht, tuairisciú athraithe aeráide, agus comhairle ar chur ar ESMA maidir leis na dréacht-Chaighdeáin Eorpacha um Thuairisciú Inbhuaíne (ESRSanna).

Rannchuidiú le forbairt na gCaighdeán Eorpach um Thuairisciú Inbhuaíne

Ghlac an tÚdarás páirt i gcomhairle ESMA don Ghrúpa Comhairleach Eorpach um Thuairisciú Airgeadais (EFRAG) maidir leis na dréacht-Chaighdeáin Eorpacha um Thuairisciú Inbhuaíne (ESRSanna). Ceapadh EFRAG mar chomhairleoir teicniúil an Choimisiúin Eorpaigh i bhforbairt na ndréacht-ESRSanna. Arna iarraidh sin ag EFRAG, thug ESMA faoi mheasúnú ar na dréacht-ESRSanna agus chabhraigh an tÚdarás, i dteannta forfheidhmitheoirí cuntasaíochta Eorpacha eile, le ESMA sa mheasúnú sin. Rinne an tÚdarás machnamh, go háirithe, ar dhá dhréacht-ESRS – ESRS E3 *Uisce agus acmhainní mara*, agus ESRS E4 *Bithéagsúlacht agus éiceachórais*.

3. Aird ar an inbhuanaitheacht

Chomh maith le cur le forbairt thuairim ESMA ar na ESRSanna, rinne an tÚdarás machnamh ar thuairisciú inbhuanaitheachta in go leor dá scrúduithe ar thuarascálacha airgeadais. Thug ÚMICÉ dhá chás chun cinn lena meas go neamhfhoirmiúil i bhfoghrúpa Seisiúin Comhordaithe Forfheidhmitheoirí Eorpacha (EECS) maidir le tuairisciú aeráide. I ngach cás, d'fhógair an t-eisitheoir spriocanna aeráide áirithe go poiblí. Thug ÚMICÉ dúshlán na n-eisitheoirí i dtaobh na mbealaí sonracha a mbainfeadh na spriocanna aeráide sin amach, chomh maith leis an éiginnteacht a bhaineann leis an gcumas na spriocanna a bhaint amach, agus an chuntasaíocht le haghaidh aon tiomantas a eascraíonn astu. D'aontaigh gach eisitheoir nochtaí a fheabhsú ina dtuarascálacha amach anseo.

4. Straitéisí agus torthaí a eascraíonn as an bplean gnó

Straitéisí an phlean gnó	Torthaí
Athbhreithniú ar an tuairisciú airgeadais	→ Scrúdaíodh 32 tuarascáil bhliantúil → Scrúdaíodh trí thuarascáil leathbhliantúla
Tacú le hardchaighdeán sa tuairisciú airgeadais	→ Glacadh páirt ghníomhach i roinnt fóraim, foghrúpaí agus tascfhórsaí Eorpacha, lena n-áirítear an Buancoiste um Thuairisciú Corparáideach, an Mheitheal um Thuairisciú Inste, an foghrúpa um Athrú Aeráide, agus Tascfhórsa na nInstitiúidí Airgeadais → Glacadh páirt, leis an Roinn, sa Choiste Rialaithe Cuntasaíochta a thugann a thuairim don Choimisiún Eorpach ar thograí lena nglactar IFRSanna
Scaipeadh an dea-chleachtais	→ Foilsíodh coimre de chinntí tuairiscithe airgeadais agus páipéar maidir le nothaí a bhaineann le haeráid
Éisteacht a fháil	→ Foilsíodh Páipéar Beartais Foilseachán leasaithe → Rinne cúig chur i láthair do ghnólachtaí iniúchóireachta, comhlachtaí tionscail agus páirtithe leasmhara eile inar tugadh breac-chuntas ar thuairimí an Údaráis faoi fhorfheidhmiú cuntasaíochta agus cur i bhfeidhm na gcaighdeán cuntasaíochta i measc eiseitheoirí
Ár bpróisis a fhorbairt agus a fheabhsú	→ Rinneadh faireachán ar fhorbairtí ar an bhforfheidhmiú i réimse na cuntasaíochta ar fud an domhain agus ar an leibhéal Eorpach, agus breithníodh na tionchair fhéideartha ar bheartais agus nósanna imeachta ÚMICÉ → Tugadh faoi athbhreithniú 'leathanaigh bháin' ar chleachtais agus próisis an fhorfheidhmithe tuairiscithe airgeadais chun a chinntiú go gcruthaíonn siad bonn d'fhorfheidhmiú éifeachtúil agus éifeachtach



MAOIRSEACHT
AR INIÚCHTAÍ AR
EINTITIS LEASA
PHOIBLÍ

Chapter 5: Maoirseacht ar Iniúchtaí ar Eintitis Leasa Phoiblí



1. Príomhfheidhmeanna

Tá Aonad ÚMICÉ um Cháilíocht Iniúcháireachta freagrach as athbhreithniú dearbhaithe cáilíochta ar iniúcháirí reachtúla agus gnólaachtaí iniúcháireachta a dhéanann iniúchtaí reachtúla ar eintitis leasa phoiblí (ELPanna) in Éirinn.

Trí phríomhfheidhm atá ag an aonad:

- cigireachtaí a dhéanamh ar ghnólaachtaí iniúcháireachta a dhéanann iniúchtaí reachtúla ar ELPanna
- comhoibriú le comhlachtaí de chuid an Aontais Eorpaigh um maoirseacht iniúcháireachta
- comhairle a chur ar an Aire faoi ábhair iniúcháireachta

2. Forbairtí suntasacha

In 2022, rinne ÚMICÉ a chúigiú babhta cigireachtaí ar sheacht gcinn de na gnólaachtaí a dhéanann iniúcháireacht ar ELPanna. Rinne ÚMICÉ cigireacht ar cheithre réimse rialaithe inmheánaigh sna seacht ngnólacht sin. Ba iad na réimsí a ndearnadh cigireacht orthu:

- eitic agus neamhspleáchas
- glacadh agus buanú
- measúnú comhpháirtí agus cúiteamh
- measúnú foirne agus cúiteamh

Leagtar amach in Aguisín IV na gnólaachtaí iniúcháireachta a ndearnadh cigireacht orthu in 2022, chomh maith le líon na gcomhad a ndearnadh cigireacht orthu. Mar chuid dá chúigiú babhta cigireachtaí, rinne ÚMICÉ cigireacht freisin ar shampla de 35 iniúchadh ar ELPanna ar fud na seacht ngnólacht a dhéanann iniúcháireacht ar ELPanna. In 2022, sannadh grád 1 nó 2 do 89% de na hiniúchtaí ar ELPanna a rinne na seacht ngnólacht sin, rud a thugann le fios go raibh cáilíocht an iniúchta ar chaighdeán maith. Ba ghá feabhas a chur ar na hiniúchtaí eile. In 2022, i measc na seacht ngnólacht ELP, tharraing ÚMICÉ torthaí anuas freisin sna réimsí ar fad a ndearnadh cigireacht orthu a bhain leis na beartais agus nósanna imeachta atá i bhfeidhm don rialú cáilíochta inmheánach. Bhí déine na dtorthaí ó ÚMICÉ sa raon idir buí (míoneasnamh) agus dearg (móreasnamh). I mí an Mhárta 2023, d'fhoilsigh ÚMICÉ [tuarascálacha 2022 maidir le hAthbhreithniú um Dhearbhu Cáilíochta](#) le haghaidh na seacht ngnólacht sin a dhéanann iniúcháireacht ar ELPanna.

In 2022, rinne seacht ngnólacht iniúcháireachta iniúchtaí reachtúla ar ELPanna in Éirinn (2021: naoi gcinn). Rinne ceithre cinn de na gnólaachtaí sin iniúchadh ar 75% (2021: 74%) de na ELPanna in Éirinn, agus thuill siadsan thart ar 87% (2021: 89%) de na táillí i leith ELPanna a iniúchadh.

Comhoibríonn ÚMICÉ le rialálaithe iniúcháireachta idirnáisiúnta chun eolas agus taithí a roinnt, agus chun go mbeidh siad ar aon fhocal ag cur moltaí i bhfeidhm chun cáilíocht iniúcháireachta a fheabhsú. Glacann ÚMICÉ páirt ghníomhach i gCoiste na gComhlachtaí Eorpacha um Fhormhaoirseacht Iniúcháireachta (CCEFI) agus i bhFóram Idirnáisiúnta na Rialálaithe Iniúcháireachta Neamhspleácha (IFIAR). D'aontaigh ÚMICÉ ceardlann cigireachtaí IFIAR a óstáil in 2024 agus chuir sé tús leis an obair ullmhúcháin don imeacht sin.

Ar an leibhéal Eorpach, leanaimid den rannpháirtíocht in CCEFI agus sna foghrúpaí uile. Tá Príomhfheidhmeannach ÚMICÉ ar ghrúpa comhairliúcháin CCEFI, grúpa a thacaíonn le Cathaoirleach CCEFI. D'éirigh ÚMICÉ as ról chathaoirleach an fhoghrúpa Faireacháin Margaídh in 2022, agus ina ionad sin, tá ÚMICÉ ina chathaoirleach anois ar thascfhórsa atá dírithe ar oiliúint éifeachtach do chigirí a aithint agus a chomhordú. Chuaigh ÚMICÉ isteach i bhfoghrúpa teicniúil nua maidir le tuairiscíú inbhuanaitheachta freisin, grúpa a bhíonn ag plé leis an gCoimisiún Eorpach maidir le cur i bhfeidhm na gcaighdeán tuairiscithe inbhuanaitheachta atá ar na bacáin.

In 2022, d'éascaigh ÚMICÉ cigireachtaí an Public Company Accounting Oversight Board ar dhá ghnólacht iniúcháireachta a tháinig faoi shainchúram an rialálaí sin as Stáit Aontaithe Mheiriceá.

I gcomhréir le straitéis ÚMICÉ i dtaobh éisteacht a fháil, d'eagraigh agus tháinig ÚMICÉ [cruinniú faisnéise do choistí iniúcháireachta i mí Dheireadh Fómhair 2022](#). Bhí freastal maith ar an imeacht sin, agus áiríodh leis an seisiún faisnéise an t-eolas is déanaí ó ÚMICÉ ar ábhair a bhaineann le comhaltaí an choiste iniúcháireachta, ina measc tuairiscíú inbhuanaitheachta, digitíú agus an t-eolas rialála is deireanaí.

In 2022, d'fhoilsigh ÚMICÉ [‘Auditing related party transactions’](#) mar chuid dá shraith léargas ar chigireacht, inar leagadh amach príomhtheachtairreachtaí le haghaidh iniúcháirí agus iad i mbun iniúchadh ar idirbhearta páirtí ghaolmhair.

Cur Chuige Hibride Cigireachta

Ghlac ÚMICÉ le cur chuige hibride cigireachta in 2022 freisin. Is é aidhm an chur chuige sin na buntáistí agus na héifeachtúlachtaí a bhaineann le cianobair a nascadh le láithreach ar an suíomh nuair is fearr a éascaíonn cur chuige dá leithéid malartú faisnéise le gnólaachtaí ELPanna. Éascaíonn an cur chuige hibride solúbthacht níos mó le haghaidh chigirí ÚMICÉ agus ghnólaachtaí ELPanna, agus léirítear níos fearr na cleachtais oibre a forbraíodh le blianta beaga anuas. Cumasaíonn cruinnithe fisiciúla malartú oscailte eolais i leith an réimse rialaithe cáilíochta nó an chomhaid iniúcháireachta atá le hathbhreithniú. Cuirtear leo sin le rochtain chianda ar cháipéisí, ina measc comhaid iniúcháireachta, cruinnithe físe agus ardáin ar líne eile chun rochtain níos fearr a thabhairt do chigirí ÚMICÉ agus an méid acmhainní a theastaíonn ó ghnólaachtaí ELPanna chun cigireacht a éascú a laghdú.

3. Aird ar an inbhuanaitheacht

Thaigh ÚMICÉ le hionadaithe CCEFI a d'oibrigh le forbairt na gcaighdeán tuairiscithe inbhuanaitheachta i rith na bliana, chomh maith le cur le forbairt thuairim CCEFI maidir leis na caighdeáin sin. D'oibrigh ÚMICÉ trí CCEFI freisin chun ábhar sonrach a phlé maidir le cur i bhfeidhm na reachtaíochta, ina measc an sainmhíniú ar dhearbhu teoranta agus na caighdeáin iniúcháireachta a bheidh ar fáil, leagan amach na gceanglas don obair sin, chomh maith le huainiú na gcaighdeán.

4. Straitéisí agus torthaí a eascraíonn as an bplean gnó

Straitéisí an phlean gnó	Torthaí
Cigireacht dhíreach ar ghnólachtaí a dhéanann iniúchóireacht ar ELPanna	➔ Rinneadh cigireacht ar sheacht ngnólacht ➔ Rinneadh cigireacht ar 35 iniúchadh ar ELPanna
Tacú le hardchaighdeáin maidir le ELPanna a iniúchadh	➔ Thairg ceardlann cigireachta IFIAR a óstáil in 2024 ➔ Glacadh páirt sa cheannaireacht ar an bhfoghrúpa cigireachta, trína choiste eagraithe, agus i seisiún iomlánach CCEFI, trína ghrúpa comhairliúcháin ➔ Glacadh páirt ghníomhach in dhá thascfhórsa de chuid IFIAR
Scaipeadh an dea-chleachtais	➔ Foilsíodh seacht dtuarascáil ar chigireachtaí
Éisteacht a fháil	➔ Reáchtáladh cruinniú faisnéise do choistí iniúchóireachta ➔ Foilsíodh sraith léargas ar iniúchadh ar idirbhearta páirtí ghaolmhair ➔ Foilsíodh clár iniúchóireachta bliantúil agus tuarascáil gníomhaíochta ➔ Rinneadh cur i láthair ag imeachtaí oiliúna chun príomhthorthaí na cigireachta a chur in iúl
Ár bpróisis a fhorbairt agus a fheabhsú	➔ Cuireadh chun feidhme an Mhodheolaíocht Choiteann um Chigireacht ar Iniúchtaí chun measúnú a dhéanamh ar chórais rialaithe cáilíochta inmheánacha gnólachtaí a dhéanann iniúchóireacht ar ELPanna ➔ Forbraíodh sraith páipéar oibre agus leanadh ar aghaidh á mionchoigeartú chun cigireacht a dhéanamh ar iniúchtaí aonair, agus sonraíochtaí caighdeán iniúchóireachta ar leith á gcur san áireamh chomh maith le hábhair ábhartha a bhaineann leis an gcineál eintitis nó leis an tionscal



FORFHEIDHMIÚ

Caibidil 6: Forfheidhmiú



1. Príomhfheidhmeanna

Is iad príomhfheidhmeanna an Aonaid Forfheidhmithe:

- imscrúduithe a dhéanamh ar neamhrialtachtaí a bhfuil amhras fúthu maidir leis an iniúchóireacht ar ELPanna
- fiosrúcháin a dhéanamh ar shárúithe a rinne CCFanna ar nósanna imeachta imscrúdaithe agus araíonachta, agus ar chomhlíonadh na CCAnna ar a bhfeidhmeanna i leith iniúcháirí reachtúla
- pionóis a riar a eascraíonn as imscrúduithe rialála

2. Forbairtí suntasacha

Bhí an deis ann in 2022 tuilleadh forbartha a dhéanamh ar a rialacháin maidir le fiosrúcháin faoi alt 933 agus imscrúduithe faoi alt 934 a dhéanamh, agus leanúint á gcur chun feidhme. Leis na rialacháin sin, is féidir leis an Údarás cur chuige atá faoi stiúir an fheidhmeannais a ghlacadh i leith na céime tosaigh fiosrúcháin agus imscrúdaithe, agus is léir ó líon na gcásanna a osclaíodh agus a dúnadh i rith 2022 go bhfuil feabhas tagtha ar éifeachtúlacht an phróisis forfheidhmithe fhoriomlán. Dúnadh líon nach beag de na cásanna sin gan aon ghá a bheith le himscrúdú foirmiúil ná fiosrúchán foirmiúil.

I rith na bliana, chuaigh an tÚdarás i mbun [comhaontú socraíochta](#) amháin a bhain le fiosrúchán faoi alt 933. Sheol an tÚdarás dhá imscrúdú faoi alt 934. Bhí roinnt imscrúduithe eile faoi alt 934 fós ar bun ag deireadh na bliana. Lean an tÚdarás leis an bhforbairt ar a phróisis agus nósanna imeachta inmheánacha chun tacú leis an mbeartas forfheidhmithe nua faoi stiúir an fheidhmeannais.

Ar an leibhéal idirnáisiúnta, rannchuidigh Abhcóide Sinsearach Forfheidhmithe an Údaráis leis an obair a dhéanann CCEFI trí bhallraíocht sa Mheitheal Forfheidhmithe agus i bhfoghrúpa forfheidhmithe IFIAR. Rinne an tAbhcóide Forfheidhmithe Sinsearach cur i láthair agus cathaoirleacht ar cheardlanna forfheidhmithe le haghaidh CCEFI agus IFIAR.

Chomh maith leis sin, rannchuidigh ÚMICÉ le hobair Ghrúpa Athbhreithnithe an Dlí Cuideachtaí (GADC) (an comhlacht comhairleach neamhspleách don Roinn maidir le hábhair a bhaineann le dlí na gcuideachtaí) trí chomhaltas Abhcóide Forfheidhmithe Sinsearach ÚMICÉ.

Fiosrúchán faoi Alt 933

D'fhoilsigh an tÚdarás sonraí faoi chomhaontú socraíochta a rinne sé le CCF. Bhain samplaí de na hábhair atá sa chomhaontú socraíochta le:

- mainneachtain gearán a fhiosrú de réir fhodhlíthe CCFanna.
- Ar thrí ócáid ar leith, thug an gearánaí eolas faoin gcomhalta nár ghníomhaigh an CCF ina leith. Mar thoradh ar mhainneachtain an CCF cloí lena nósanna imeachta féin, bhí an comhalta in ann éirí as agus dá bhrí sin ní fhéadfaí tabhairt faoi imscrúdú.

Rinne an CCF admháil nár fhiosraigh sé ábhar de réir a Fhodhlíthe agus gearradh pionós air dá réir. I ndiaidh machnamh a dhéanamh ar na pionóis a bhí ar fáil faoin dlí, treoir pionós an Údaráis féin, cháin an tÚdarás an CCF agus éilíodh ar an CCF €15,000 a íoc.

Mar gheall ar an gcomhaontú socraíochta seachnaíodh costais bhreise agus ualach riaracháin eile de bharr fiosrúchán leathnaithe, i gcás an Údaráis agus CCF araon.

D'fhág an próiseas socraíochta sin go raibh bealach ag an Údarás agus CCF araon chun an t-ábhar a réiteach go luath. Is bealach é an luathshocrú chun úsáid éifeachtach a bhaint as acmhainní an Údaráis, teacht ar réiteach tráthúil agus trédhearcacht a chinntiú trí shonraí an cháis a fhoilsiú. Léirigh an comhaontú socraíochta gur neamhréireacht thromchúiseach nós imeachta é neamh-chomhlíontacht leis na Fodhlíthe agus gur baineadh an bonn de mhuinín an phobail as próiseas araíonachta an CCF sin.

3. Aird ar an inbhuanaitheacht

Tugann ÚMICÉ faoi imscrúduithe ar scáileán, agus úsáideann sé cur chuige gan pháipéar den chuid is mó. Déantar aon chomhaontú socraíochta go fóirúil. Déantar plé idirnáisiúnta go cianda go hiondúil, agus ní thugtar faoi thaisteal seachas nuair is gá.

4. Straitéisí agus torthaí a eascraíonn as an bplean gnó

Straitéisí an phlean gnó	Torthaí
Imscrúdú agus Fiosrúchán	→ Dréachtaíodh nósanna imeachta socraíochta agus cuireadh chun feidhme iad → Cuireadh imscrúduithe agus fiosrúcháin chun cinn → Baineadh amach torthaí cuí arna bhfianú ag na comhaontuithe socraíochta → Foilsíodh torthaí i gcomhréir le beartais → Ní sheoltar an comhfhreagras ar fad ach i bhformáid leictreonach nuair is féidir, rud a laghdaíonn an gá le líon mór cáipéisí a chur i gcló
Éisteacht a fháil	→ Glacadh páirt i bhFoghrúpa Forfheidhmithe CCEFI, lena n-áirítear glaonna comhdhála tréimhsiúla agus cur i láthair a dhéanamh ag cruinniú foghrúpa → Glacadh páirt ghníomhach i bhfoghrúpa forfheidhmithe IFIAR agus rinneadh cathaoirleacht ar chomhdhálacha idirnáisiúnta → Ghlac sé páirt i gcruinnithe comhcheime le geallsealbhóirí



SEIRBHÍŚÍ CORPARÁIDEACHA

Caibidil 7: Seirbhísí Corparáideacha



1. Príomhfheidhmeanna

Is iad príomhfheidhmeanna an Aonaid Seirbhísí Corparáideacha:

- tacaíocht ó thaobh seirbhísí corparáideacha a sholáthar do ÚMICÉ, lena n-áirítear seirbhísí airgeadas, seirbhísí acmhainní daonna, seirbhísí TFC agus bainistíocht saoráidí
- rúnaíocht a sholáthar don bhord agus do choistí áirithe de chuid an bhoird
- maoirseacht a dhéanamh ar an bpróiseas bainistíochta riosca do ÚMICÉ

2. Forbairtí suntasacha

Lean an t-aonad ag comhlíonadh a spriocdhátaí reachtúla agus iad siúd a ordaítear faoin gCód Cleachtais chun Comhlachtaí Stáit a Rialú i gcaitheamh na bliana. Tá sonraí breise ina leith sin in áit eile sa tuarascáil seo, go háirithe sa chuid a bhaineann le Rialachas agus Struchtúr agus na ráitis airgeadais reachtúla. De réir mar a bhí an bhliain á caitheamh, bhí na héilimh ar an aonad ag fás mar gheall ar an bhfilleadh ar an ngnáthobair de réir a chéile agus an tús a cuireadh an athuair le himeachtaí corparáideacha agus taisteal idirnáisiúnta.

Lean ÚMICÉ ar aghaidh leis an gcianobair ar feadh na bliana go léir agus chinntigh an t-aonad go raibh na seirbhísí tacaíochta, a bhain go príomha le TFC, ag feidhmiú go héifeachtach stuama sna cúinsí sin. Lean an tÚdarás lena infheistíocht in TFC, uasghrádú suntasach ar an bhfreastalaí ina measc. Rinneadh é sin gan aon chaillteanas seirbhíse, agus thug an t-aonad faoi thástáil rathúil ar athshlánú inmheánach ó thubaiste i ndiaidh an ascnaimh. Chomh maith leis sin, d'fhorbair an t-aonad beartas oibre cumaisc agus nós imeachta do mheasúnú riosca ar shuíomh oibre malartaí de chuid ÚMICÉ, agus chuir i bhfeidhm iad. Aithníonn an beartas gurb iad foireann ÚMICÉ a phríomhacmhainn, agus éiteas simplí gur cheart don fhoireann oibriú ón áit is éifeachtaí dóibh siúd agus dá bhfoireann.

Sa bhliain seo faoi athbhreithniú, tugadh isteach beartas neamhspleáchais na foirne agus próiseas dearbhaithe. Leagtar amach sa bheartas, a chuir an cleachtas a bhí i bhfeidhm cheana féin ar bhonn foirmiúil, cur chuige ÚMICÉ i leith neamhspleáchais ÚMICÉ a chosaint agus a chinntiú go bhfuil an tÚdarás féin agus a fhoireann cosanta ar líomhaintí faoi chlaonadh, go bhfuil luach neamhspleáchais an Údaráis i bhfeidhm, agus go gcomhlíontar na ceanglais dlí ábhartha chun fanacht neamhspleách ar eintitis rialáilte.

I ndiaidh próiseas tairisceana, shuiteáil ÚMICÉ pacáiste cuntas saincheaptha, agus cuireadh tús le rith comhuaineach an 1 Samhain 2022. Ullmhófar ráitis airgeadais reachtúla 2023 ÚMICÉ agus an tuairisciú airgeadais leanúnach leis na bogearraí nua sin. Anuas air sin, déanfaidh na bogearraí cuíchóiriú ar go leor de na próis faofa ar theastaigh ceadú daonna uathu roimhe seo.

Suíomh gréasáin

D'athsheol ÚMICÉ a shuíomh gréasáin in 2022, i ndiaidh próiseas leathan comhairliúcháin ar a chuspóir. Is beag cosúlacht atá idir an suíomh nua agus an suíomh a bhíodh ann, a dearadh roinnt mhaith blianta ó shin. Tá leagan amach comhaimseartha ag an suíomh nua, agus dearadh é chun freastal ar riachtanais raon leathan úsáideoirí an Údaráis. Ón taobh inmheánach de, tá sé i bhfad níos éasca é a chothabháil agus a thabhairt cothrom le dáta. Tá an suíomh gréasáin ina chuid de straitéis cumarsáide ar líne ÚMICÉ.

Ar aon dul leis an tionscadal sin, d'fhorbair an t-aonad a réimse féin ar líne do chomhaltaí boird chun páipéir an bhoird a stóráil agus a scaipeadh. Dhear an fhoireann seirbhísí corparáideacha an tairseach nua, agus tugtar rochtain shlán do na stiúthóirí ar pháipéir an bhoird atá i bhfeidhm faoi láthair agus a bhíodh i bhfeidhm. Tógadh an tairseach le SharePoint ó Microsoft, agus anois is féidir leis na stiúthóirí teacht ar ríomhphoist, páipéir agus cruinnithe cianda (nuair is gá) le logáil isteach amháin lena mbaineann fíorú ilfhachtóir.

3. Aird ar an inbhuanaitheacht

Ghlac ÚMICÉ le hinbhuanaitheacht go fonnmarh trína chleachtais oibre sholúbtha agus a chur chuige hibríde i leith cigireachta agus cuairteanna maoirseachta. I gcomhar lena pháirtithe leasmhara, shainaithin an tÚdarás réitigh theicneolaíochta a chuir deireadh le taisteal nach mbíonn gá leis agus a chuir ar chumas na foirne oibriú ó shuíomhanna éagsúla agus iad ag tabhairt faoina ról. Glacann ÚMICÉ beartas cianfhreastail ag gach cruinniú idirnáisiúnta más féidir, seachas má éilíonn spriocanna an Údaráis go mb'fhéarr i bhfad freastal ar an gcruinniú go fisiciúil. Is eagraíocht gan pháipéar é an tÚdarás anois a bheag nó a mhór, agus úsáidtear ríomhairí glúine ar a bhfuil scáileán tadhaill chun teacht ar bhonneagar TFC láidir agus slán.

Ghlac ÚMICÉ treochlár chun na spriocanna a leagtar amach i Sainordú na hEanála Poiblí um Ghníomhú ar son na hAeráide a bhaint amach, agus tá an tÚdarás muiníneach go gcomhlíonadh, mura sáraíonn sé, na spriocanna sin trí bhearta mar atá thuasluaite, agus athbhreithniú mionsonraithe ar a riachtanais cóiríochta sa mheántearma. Cúitíonn ÚMICÉ a astaíochtaí carbóin a bhaineann le heitiltí trí íocaíocht leis an gCiste náisiúnta um Ghníomhú ar son na hAeráide.

4. Straitéisí agus torthaí a eascraíonn as an bplean gnó

Straitéisí an phlean gnó	Torthaí
Scaipeadh an dea-chleachtais	→ D'fhormheas an bord an Tuarascáil Bhliantúil Reachtúil → Cuireadh tuarascálacha faoi shainordú ar fáil don Aire agus iad ag cloí le sprioc-amanna reachtúla → Forbraíodh agus cuireadh i bhfeidhm ar bhonn foirmiúil beartas neamhspleáchais fostaí
Úsáid éifeachtúil ár n-acmhainní airgeadais a áirithiú	→ Ghlac an bord an Clár Caiteachais (an buiséad) agus d'fhormheas an tAire é → Bhí toradh rathúil ar athbhreithniú a rinne iniúcháirí inmheánacha agus iniúcháirí seachtracha ar chórais rialaithe inmheánaigh
Éisteacht a fháil	→ Gníomhaíodh mar an bpríomhphointe teagmhála le hiriseoirí agus le hionadaithe poiblí → Leanadh den chaidreamh láidir, éifeachtach le haonad idirchaidrimh na Roinne
Ár bpróisis a fhorbairt/a fheabhsú	→ Rinneadh cothabháil leanúnach ar an mbonneagar TFC agus ar an tsamhail chianoibre agus rinneadh infheistíocht leanúnach iontu → Suiteáladh pacáiste cuntas saincheaptha agus ascaíodh chuige → Forbraíodh agus cuireadh i bhfeidhm beartas oibre cumaisc agus measúnú riosca ar shuíomh oibre malartaí lena mbaineann
Nuálaíocht	→ Athdhearadh agus athsheoladh suíomh gréasáin ÚMICÉ → Dearadh agus cuireadh i bhfeidhm cur chuige nua i leith rochtain na stiúrthóirí ar ábhar an bhoird



FORBAIRT EAGRAÍOCHTÚIL

Caibidil 8: Forbairt Eagraíochtúil



1. Príomhfheidhmeanna

Is iad príomhfheidhmeanna an Aonaid um Fhorbairt Eagraíochtúil:

- tionscnaimh a fhorbairt, agus tacú leo, lena bhfeabhsaítear éifeachtúlacht agus éifeachtacht na heagraíochta
- láithreacht meán sóisialta a bhainistiú do ÚMICÉ
- tacú le cultúr nuálaíochta in ÚMICÉ
- tacú le coistí foirne ÚMICÉ maidir le smaointe a fhorbairt go dtí go gcuirfear chun feidhme iad

2. Forbairtí suntasacha

I measc na bpríomhthionscadal feabhsúcháin agus nuálaíochta ar leanadh leo i rith 2022, bhí athdhearadh shuíomh gréasáin ÚMICÉ chun freastal níos fearr ar riachtanais na n-úsáideoirí, bunú foirne foilseachán chun moltaí a thabhairt maidir le foilseacháin ÚMICÉ a fheabhsú, agus athbhreithniú ar phróisis ÚMICÉ i maoirseacht tuairiscithe airgeadais agus i bhforfheidhmiú.

Sa réimse foghlama agus forbartha, thugamar faoi threoirthionscadal ar chóras bainistíochta foghlama le haghaidh riachtanais shonracha foghlama ÚMICÉ i rith 2022, agus chuireamar clár foghlama i bhfeidhm freisin le haghaidh bainisteoirí daoine.

Leanadh lenár gcuid luachanna eagraíochtúla comhroinnte agus ár gcroí-iompair a leabú inár bpróisis in 2022, ina measc inár gcóras leagan síos spriocanna agus forbartha pearsanta. D'fhoilsíomar sraith póstaer inti 'Living our Values' freisin chun aitheantas a thabhairt do léiriú ár gcoíluachanna agus ár gcroí-iompair i measc ár ndaoine ina n-obair laethúil.

Ag léiriú thiomantas ÚMICÉ don fholláine, chuireamar i bhfeidhm straitéis folláine ina gcuirtear san áireamh comhthéacs agus saintréithe oibre sonracha ÚMICÉ. Is é ár n-uailmhian folláine folláine mhuintir ÚMICÉ a chur chun cinn agus a chosaint. Léirítear comhtháthú fholláine na bhfostaithe inár gcuid chuige bainistíochta agus inár gcleachtais laethúla.

Leathnaíodh láithreacht meán sóisialta an Údaráis ar LinkedIn agus YouTube i rith 2022, chomh maith le raon na bhformáidí a úsáidtear chun cumarsáid a dhéanamh lenár bpáirtithe leasmhara. Sheol ÚMICÉ sraith físeáin ghearra faoi 'What IAASA does' chun feachtas a chur chun cinn agus tuiscint an phobail ar ról ÚMICÉ a fheabhsú.

Eisíodh cúig nuachtlitir forbartha eagraíochtúla don fhoireann i rith 2022, inar soláthraíodh eolas faoi uirlisí nuálaíochta agus réitigh fadhbanna, agus bhain gach foireann triail as teicnící nuálaíochta chun aghaidh a thabhairt ar dhúshlán reatha. Ina theannta sin, d'fhreastail baill foirne de chuid an Údaráis go rialta ar an gclár imeachtaí ar líne a d'eagraigh foireann nuálaíochta seirbhíse poiblí na Roinne Caiteachais Phoiblí agus Athchóirithe.

Fís agus misean ÚMICÉ

D'aontaigh bord ÚMICÉ fís agus misean nua do ÚMICÉ i rith 2022. Chuimsigh an próiseas forbartha athbhreithniú ar raon leathan físeanna agus misean i bpiareagraíochtaí, ceardlanna fostaithe, anailís na foirne ceannaireachta agus comhairliúcháin leis an mbord.

Is é fís ÚMICÉ (an todhchaí atá sé ag iarraidh a bhaint amach): muinín agus iontaobh an phobail as iniúchóireacht agus cuntasaíocht ar ardchaighdeán. Is é a mhisean (an méid a dhéanann ÚMICÉ chun oibriú i dtreo na físe sin): tuairisciú corparáideach ar ardchaighdeán agus gairm chuntasach a chothú.

Leagtar amach san fhís agus sa mhisean nua treo soiléir do ÚMICÉ agus é ag tabhairt faoina shainchúram reachtúil. Tugann sé léargas soiléir freisin do na páirtithe leasmhara ar chuspóir an Údaráis.

I rith na bliana, agus ar aon dul le forbairt na físe agus an mhís nua, chuir ÚMICÉ clár oibre trí bliana nua i gcrích freisin i ndiaidh próiseas comhairliúcháin phoiblí.

3. Aird ar an inbhuanaitheacht

Thug coiste saoráidí agus comhshaoil ÚMICÉ faoi roinnt tionscnamh i rith na bliana chun tionchar comhshaoil ÚMICÉ a laghdú agus cuir chuig inbhuanaithe a chur chun cinn. Áiríodh leo sin tionscnaimh a bhain le níos lú ábhar a chur i gcló, éifeachtúlacht fuinnimh mhéadaithe, soláthar plandaí oifige, athchúrsáil fheabhsaithe, chomh maith le feachtas 'Reduce your Use' ó SEAI a chur chun cinn.

4. Straitéisí agus torthaí a eascraíonn as an bplean gnó

Straitéisí an phlean gnó	Torthaí
Éisteacht a fháil	→ Seoladh sraith míniúcháin ar 'What IAASA does' → Cothaíodh láithreacht ghníomhach ar LinkedIn agus YouTube do ÚMICÉ → Bunaíodh foireann foilseachán chun cabhrú le foilseacháin ÚMICÉ a fheabhsú
Ár bpróisis a fhorbairt/a fheabhsú	→ Forbraíodh fíis agus misean nua ÚMICÉ → Cuireadh straitéisí folláine fostaithe i bhfeidhm → Forbraíodh clár foghlama do bhainisteoirí daoine → Coinníodh ar bun inlíon foirne agus líonra sóisialta ar líne → Leabaíodh ár gcroíluachanna agus ár gcroí-iompair i bpróisis na heagraíochta
Nuálaíocht	→ Rinneadh treoirthionscadal do chóras bainistíochta foghlama → Foilsíodh cúig nuachtlitir forbartha eagraíochtúla inar díriodh aird ar uirlisí úsáideacha nuálaíochta agus inar tugadh an t-eolas is deireanaí faoi ghníomhaíochtaí sainspéise eile → Tacaíodh le raon tionscnamh de chuid an choiste foirne ar fholláine, an clár oibre glas agus feabhsúcháin ar fhoilseacháin